

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之四百六十三

監修總裁官經筵日講起居注官太子太保體仁閣大學士文淵閣領閣事管理戶部事務上書房總辦翰林院掌院學士兼管順

皇

天府府尹事務隨帶加五級紀錄十八次臣曹振鏞總裁官經筵講官吏部尚書鎮藍旗漢軍都統管理新營房城內官房大臣稽察內

書

七倉大臣稽察會同四譯館事務加一級隨帶加六級軍功加三級紀錄五次臣花沙納經筵講官文淵閣提舉閣事兵部尚書總管

太

內務府大臣鎮白旗滿洲都統稽察內七倉大臣管理宗人府銀庫左翼幼官學 寧壽宮圓明園等處精捷營御膳房御藥房太

堂

醫院造辦處事務隨帶加十八級臣阿靈阿副總裁官經筵講官兵部尚書隨帶加六級紀錄二十次臣周祖培等奉

敕修

道光二十九年己酉春正月庚午朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

壽皇殿行禮○御乾清宮賜皇子親藩等宴○

大士申宗姓天孫聖立中歸五至文望左書

高宗純皇帝忌辰遣官祭

裕陵

○

上詣

壽皇殿行禮○諭內閣楊以增奏遵議撙節工

費裁撤冗員一摺據稱發辦工程務求覈實

相沿浮費竭力剔除每歲所需通盤籌計總

期量入為出可省則省並以多設一廳即多

一廳之費現與督臣熟商歸併裁撤等語所

論未始不當惟不可徒託空言必須實踐力

行漸著成效。所有節費除弊及裁撤廳員。著該河督斟酌盡善。嚴定章程。並督飭廳員。痛改舊習。覈實辦公。如查有虛浮奢侈之員。隨時專摺叅劾。立予罷斥。以儆其餘。庶頽風可以漸挽。而國帑不至虛糜。又奏甫經莅任。於文職佐雜人員。尚未逐一接見。請展俟來年彙同甄別等語。河員冗濫。佐雜尤甚。其虛夸浮侈者。一望而知。或試以事。或採輿論。自可得實。何必展限一年。未免拘執。著該河督隨

時察看。遇有庸劣之員。立即叅奏。勿稍姑息。
○江南河道總督楊以增奏。奉旨於養廉銀
八千兩外。復加銀四千兩。懇請仍照舊額支
領。不敢加多。得旨。所請著不准行。照所添之
數支領。○癸酉。貸江西南昌。新建。進賢。鄱陽
萬年。星子。都昌。建昌。德化。德安。瑞昌。彭澤。十
二縣。上年被水災。民籽種。○貸給湖南武陵。
龍陽。沅江。湘陰。澧安。鄉六州縣。上年被水災。
民籽種口糧。○甲戌。給江蘇高淳。山陽。鹽城。

高郵東臺江都興化寶應泰興桃源江陰十
一州縣及淮安大河揚州三衛上年被水軍
民一月口糧○加賑安徽懷寧桐城宿松望
江貴池銅陵東流當塗蕪湖繁昌無為鳳陽
靈璧五河和十五州縣及泗州衛上年被水
軍民給和當塗五河桐城靈璧鳳陽懷寧東
流宿巢懷遠含山廬江十三州縣災民一月
口糧○乙亥

上詣

皇太后宮問安。○御紫光閣賜蒙古王貝勒貝子公額駙台吉及外藩使臣呼圖克圖等宴。並賞賚有差。○賞御前行走阿巴噶扎薩克郡王阿爾塔什第紫韁。○命乾清門行走扎賚特扎薩克貝勒兼蒙古侍郎銜拉木棍布扎布在御前行走。○命御前行走科爾沁郡王林沁扎勒贊子頭等台吉多羅額駙阿玉錫哩扎賚特扎薩克貝勒兼蒙古侍郎銜拉木棍布扎布子頭等台吉阿勒塔闊輟爾乾

清門行走翁牛特扎薩克貝勒寶拜子頭等
台吉特木楚克蘇隆在乾清門行走○賞乾
清門行走科爾沁貝勒貢格喇布坦子頭等
台吉桑魯布都特賽巴林貝子索哩雅子二
等台吉色旺諾爾布喀爾喀扎薩克輔國公
多爾濟扎布青海扎薩克頭等台吉棟藏喀
爾布土爾扈特頭等台吉齊默特多爾濟花
翎杜爾伯特扎薩克貝子貢噶綽克坦教漢
貝子達克沁喀爾喀扎薩克貝子索諾木丕

拉濟雙眼花翎○緩徵山東臨清長山濟陽
禹城臨邑海豐商河滋陽寧陽滕汶上壽張
冠○濰高密夏津邱魚臺濟寧德東平東阿惠
民陽信樂陵鄆城單濮范聊城清平恩金鄉
三十三州縣並德州東昌臨清濟寧四衛本
年上忙額賦○給雨准呂四掘港富安安豐

梁垛東臺何垛丁溪草堰劉莊伍祐新興廟
灣十三場上年被災竈戶穀石○丙子

世祖章皇帝忌辰遣官祭

宣統成皇帝實錄 卷四 六十一
孝陵。○諭內閣。嗣後所有各取熱河額魯特善撲。內外扎薩克。及土爾扈特。杜爾伯特等處之蒙古善撲。均著毋庸來京。○丁丑。諭內閣。八阿哥於本年四月初四日辰時入學讀書。著翰林院編修童福承授讀。○戊寅。諭內閣。李星沅。楊殿邦。楊以增。陸建瀛會奏。民堰工程緊要。循案請歸東河廳員管理一摺。江南沛縣寨子堰工。現既漲溜逼刷。糧地衝失。自難資民力補築。且該處為運道所經。關係甚

重。沛縣河道。本屬東河。加河廳專汛。所有寨
子堰工程。該督等請改歸加河同知經管之
南處。及應如何添設滾壩。分籌蓄洩各事宜。著
鍾祥察看情形。勿分畛域。覈議具奏。○命暫
停本年經筵。○以捐修直隸開州城垣。並辦
大名。天津。二縣賑務。予總督訥爾經額等議
敘有差。○濬直隸溫榆河。並修果渠村壩埽
各工。從總督訥爾經額請也。○
上以上辛祈穀於

上帝自是日始齋戒三日○己卯享

太廟命皇六子奕訢恭代行禮○遣官祭

太歲之神○緩徵浙江仁和富陽嘉興秀水

嘉善海鹽石門平湖桐鄉烏程歸安德清武

康十三縣節年舊欠額賦○庚辰

上詣

南郊齋宮齋宿○

孝全皇后忌辰遣官祭

陵寢○辛巳祈穀於

上帝。

上親詣行禮。○諭內閣李星沅陸建瀛奏查賑

委員辦理遺濫請旨革審等語江南天妃閘

官韓鐸奉委分查鹽城災戶於鄉約送給書

差錢文並未親查即行給票致有浮冒遺漏

顯有串同侵漁情事似此貪饕庸劣之員必

應徹底根究懲一儆百韓鐸著即革職交陸

建瀛提同書差人等研訊確情加等治罪斷

不准絲毫開脫因思該督等前次奏叅查賑

委官張震等三員。均係微末佐雜。此次所叅。
又係閹官。江南候補及實缺正印各官。差委
甚不乏人。何至以此等微員。委辦賑務。朕實
不解。豈除此佐雜數員。竟無人可委耶。著詳
晰覆奏。不得含混支飾。○貸江蘇司庫銀採
買災缺兵匠等米。○是日立春。順天府進土
牛春山寶座。○壬午。○奉
上幸圓明園。○奉
皇太后居綺春園。○詣

安佑宮行禮○癸未

上詣綺春園問

皇太后安○御奉三無私殿賜皇子親藩等宴

○諭內閣前據吳文鎔奏酌減漕船幫費並
片奏通壩用款減成給發等語當交戶部議
奏茲據奏稱旗丁領運例有行月銀米等項
以資濟運浙江又於例給之外每石給予津
貼銀兩辦運自應裕如乃近年浮費比前增
至數倍該撫請將嘉興府屬幫費減去三成

宣宗成皇帝實錄 卷四十六
杭州湖州二府屬減去二成。若以每石二兩
覈計。則所謂減去三成二成者。較之江蘇松
江府最多之四百兩。仍增數倍。徒有裁減之
名。並無裁減之實。江浙事同一例。數目如此
懸殊。該部自不能歧議。况幫費名目。瑣屑不
堪。豈可任其相沿滋弊。著吳文鎔將所有名
目。概行革除。斷不准概以空言分別減三減
二。即著照松江府屬部議成案。每船裝米千
石。幫費至多。不准過四百兩。以昭畫一。議妥